

Gállánuoraid Teáhter: Nuorra neavv



Beivvi bárdni, Jiehtanas ja jiehtanasa nieida boradit headjamállasiid. Beivvi bárdni lea juste náitalan jiehtanasa nieiddain.



Beivvi bárdni ja su olbmát vuolgime eamida gávdnat Beivvi bárdnái.

Guovdageaidnu: Gállánuoraid Teáhter lea nuoraidteáhter mii álggahuvvui Guovdageainnus diibmá. Miessemánu 17. b. lei sis vuosttaš čájálmas bihtas «Gállábártnit».

BERIT SOLVEIG GAUP

Čájálmas lea ráhkaduvvon ovta dološ sámii máidnasa vuodul, ja muitala dan birra gos sápmelaččat bohte. Gállábártnit lea golbma nástti almmis, ja dán máidnasis muitaluvvo ge ahte ledje golbma bárdni mat šadde sápmelaččaid máddun, ovdal go jápme ja šadde nástin. Bihtta muitala dan birra movt dáid bárdniid váhneamat deaivvadeigga ja sutno mátki birra gávdnat sierra eatnama gosa sáhtiiga bisaniit.

Ollu neavttárat


Ledje nuoraidskuvlla oahppit geat čájehe bihtá, ja sii leat ge gohčodan joavkkuset «Gállánuoraid Teáhter». Jodiheaddjin teáhteris lea Toril Johansen. Neavttárat leat Anders Todal, Anja Bongo, Anne Merethe, Ellen Oddveig Hætta, Ellen Sofie Henriksen, Ellen Hætta, Ellen Bals, Sara Inga, Anne Kirste Aikio, Kirsten Buljo, Kirsten Hætta ja Risten Birje. Britt Halonen lei gorrón sidjiide biktasiid, ja Sámi Joatkkaskuvlla ja

Boazodoalloskuvlla snihkkenaohppit ledje snihkken lávddi. Lávdi lei hui álkít ráhkaduvvon, muhto lei hui vuogas. Joavkkus maid ledje lávvomuorat main lei lummalámpa muoramáddagis gitta, ja maid mánnjil cegeje lávvun beivvi bárdnái ja su eamidii. Diet šattai hui earenoamáš go muoramáddagis vel lummalámpa čuovggai.

Geahččit reške ja himahalle

LES-vissui ledje ollu olbmot boahtán vuosttaš čájálmassii. Nuorat barge hui buori barggu, ja gehččiide lei dá hui guoimmuheaddji bottoš. Geahččit reške, himahalle, mojohalle ja ledje duođalaččat. Muhtimat dáide gaccaid maid gáskit go lei gelddolaš. Vaikko ledje lohkan ahte dá lei nuoraidbihtta, de heivii goit dát buohkaide, sihke mánáide, nuoraide ja rávisolbmuide. Lei somá oaidnit ahte nuorat máhttet ja oalle mihá bures maid. Mii vuordit iluvin sin boahtevaš bihtaid.

ttárat nekte



Beivvi bárdni ja su olbmát meara duohken eamida ozus.



Jiehtanas ja su golbma bárdni. Sii gal eai liikon go áhččiset ges oabbáset náittii eret.



Jiehtanasa nieida jur gehččiid ooddabealde.